



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«Հ» ապրիլ 2022թ.

ք. Երևան, Ս. Դավթի 87Ա

ՈՐՈՇՈՒՄ N 369-1-Ղ

ՎԱՐՉԱԿԱՆ ՎԱՐՈՒՅԹԸ ՎԵՐՍԿԱՆԵԼՈՒ ԵՎ ՖԻԶԻԿԱԿԱՆ ԱՆՁԻ ԿՈՂՄԻՑ ԶԿԱՏԱՐՎԱԾ ՀԱՐԿԱՅԻՆ ՊԱՐՏԱՎՈՐՈՒԹՅՈՒՆԸ ԳԱՆՁԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս, քննարկելով ֆիզիկական անձ Թաթուլ Տիգրանյանի վերաբերյալ վարչական վարույթի նյութերը,

ՊԱՐԶԵՑԻ

Համաձայն հարկային վարչարարության ընթացքում հարկային իրավախախտում հայտնաբերելուց անմիջապես հետո հարկային մարմնի պատասխանատու պաշտոնատար անձի կողմից կազմվող թիվ N59718/2021/ԿՈՒՎ4/Ա արձանագրության՝ ֆիզիկական անձ Թաթուլ Տիգրանյանի (Հասցե՝ ք. Երևան, Արաբկիր, Հովսեփ Էմինի փ. 35 տուն, ՀՎՀՀ՝ 20202987, ՀԾՀ՝ 1304670325) չկատարված հարկային պարտավորությունը 06.10.2021թ. դրությամբ կազմել է 226,773 դրամ, որից հարկ՝ 212,414 դրամ, տույժ՝ 14,359 դրամ:

Վերոնշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, «բ» կետի՝ ՀՀ պետական եկամուտների կոմիտեի իրավաբանական վարչությունում 03.03.2022 թվականին հարուցվել է վարչական վարույթ՝ չկատարված հարկային պարտավորությունները գանձելու վերաբերյալ ՀՀ հարկային օրենսգրքի 398-րդ հոդվածի 5-րդ մասով նախատեսված վարչական ակտ ընդունելու նպատակով:

Վարչական վարույթի շրջանակներում Թաթուլ Տիգրանյանը պատշաճ ծանուցվել է Հայաստանի Հանրապետության հրապարակային ծանուցումների պաշտոնական ինտերնետային կայքի, ինչպես նաև փոստային կապի միջոցով, ինչին ի պատասխան 15.03.2022 թվականի թիվ Դ/7539-2022 դիմումով հայտնել է, որ տարածքը վարձակալության է հանձնվել տնտեսվարող սուբյեկտի՝ (համաձայն կից ներկայացված փաստաթղթերի Ա/Ձ Աբրահամ Կիրակոս Մարգարին), ում հետ կնքած վարձակալության պայմանագիրը գործել է մինչև 23.07.2020 թվականը, և պայմանավորված ՀՀ-ում համաճարակային իրավիճակով՝ Ա/Ձ-ի կողմից վճարվել են ավելի քիչ գումարներ, քան նախատեսված է եղել պայմանագրով, ինչն էլ պատճառ է հանդիսացել պայմանագիրը լուծելու համար:

Հաշվի առնելով վերոնշյալ առարկությունում տեղ գտած հարցերի վերաբերյալ տեղեկատվության ստացման անհրաժեշտությունը՝ 31.03.2022 թվականի թիվ 96Զ-Ա որոշմամբ Թաթուլ Տիգրանյանի նկատմամբ հարուցված վարույթը կասեցվել է՝ ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49 հոդվածի 2-րդ մասով՝ հիմք ընդունելով այն հանգամանքը, որ անհնարին է տվյալ վարույթի արդյունքում ակնկալվող վարչական ակտի ընդունումը, մինչև կասեցման հանգամանքի վերանայլը:

Համաձայն իրավաբանական վարչությանը 06.04.2022 թվականին տրամադրված տեղեկատվության՝ Թաթուլ Տիգրանյանի կողմից վարձակալական գործարքների մասով ներկայացված դադարեցման հիմքերի, ինչպես նաև փաստացի ստացված եկամուտների վերահաշվարկման արդյունքում թիվ N59718/2021/ԿՈՒՎ4/Ա արձանագրությանը ի լրումն տրամադրված թիվ N431/2022/ԿՈՒՎ4/Ա արձանագրությամբ (կցվում է) ֆիզիկական անձ

Թաթուլ Տիգրանյանի (Հասցե՝ ք. Երևան, Արաբկիր, Հովսեփ Էմինի փ. 35 տուն, ՀՎՀՀ՝ 20202987, ՀԾՀ՝ 1304670325) չկատարված հարկային պարտավորությունը 06.04.2022թ. դրությամբ կազմել է 91,232 դրամ, որից հարկ՝ 80,000 դրամ, տույժ՝ 11,232 դրամ:

Համաձայն ՀՀ կադաստրի կոմիտեից ստացված տեղեկությունների՝ Թաթուլ Տիգրանյանի կողմից Երևան, Կոմիտասի պողոտա 30 շենք, 94 տարածք հասցևում գտնվող անշարժ գույքը 12.02.2020 թվականից մինչև 06.02.2023 թ. ամսական 200,000 ՀՀ դրամ պայմանագրային արժեքով տրամադրվել է վարձակալության:

Համաձայն ՀՀ հարկային օրենսգրքի 140-րդ հոդվածի՝ ֆիզիկական անձը հանդիսանում է եկամտային հարկ վճարող, 141-րդ հոդվածի վերոնշյալ գործարքը համարվում է եկամտային հարկով հարկման օբյեկտ: Համաձայն Օրենսգրքի 150-րդ հոդվածի 7-րդ կետի, վարձակալական վճարների մասով եկամտային հարկը հաշվարկվում է տասը տոկոս դրույքաչափով, իսկ հարկային տարվա ընթացքում ստացված վարձակալական վճարների հանրագումարը 60,0 մլն. դրամը գերազանցելու դեպքում, գերազանցող մասի համար ֆիզիկական անձը հաշվարկվում է լրացուցիչ եկամտային հարկ 10% դրույքաչափով:

Համաձայն Օրենսգրքի 269-րդ հոդվածի 1-ին մասի, եթե ՀՀ ՊԵԿ տեղեկատվական բազայում առկա տվյալների վարձակալական պայմանագրի կողմ հանդիսացող տնտեսվարող սուբյեկտը՝ ՀՀ հարկային օրենսգրքի 267-րդ հոդվածի համաձայն համարվում է միկրոձեռնարկատիրության սուբյեկտ, ապա միկրոձեռնարկատիրության սուբյեկտներն ազատվում են միկրոձեռնարկատիրության մասով առաջացող բոլոր պետական հարկերի հաշվարկման և պետական բյուջե վճարման պարտավորությունից (այդ թվում՝ որպես հարկային գործակալ՝ հարկը հաշվարկելու, պահելու և պետական բյուջե փոխանցելու պարտավորությունից, ինչպես նաև օրենսգրքի 135-րդ հոդվածով սահմանված՝ շահութահարկի կանխավճարների կատարման պարտավորությունից), բացառությամբ նույն հոդվածի 2-րդ մասով սահմանված դեպքերի: Հետևաբար՝ ֆիզիկական անձի հետ վարձակալական պայմանագիր կնքելու դեպքում՝ միկրոձեռնարկատիրության սուբյեկտն ազատվում է ֆիզիկական անձին վճարվող վարձավճարներից եկամտային հարկը հաշվարկելու, պահելու և պետական բյուջե վճարելու հարկային գործակալի պարտավորությունից: Ֆիզիկական անձ Թաթուլ Տիգրանյանի կողմից չի ներկայացվել 2020 թվականի եկամտային հարկի և սոցիալական վճարի տարեկան հաշվարկ և չի վճարվել եկամտային հարկի գծով պարտավորությունը:

Արդյունքում սույն որոշմամբ գանձման նշանակա օրենքով սահմանված ժամկետում չկատարված պարտավորությունը 06.04.2022թ. դրությամբ կազմել է 91,232 դրամ, որից հարկ՝ 80,000 դրամ, տույժ՝ 11,232 դրամ: Հարկերը հաշվարկվել են Օրենսգրքի 150-րդ հոդվածի 7-րդ կետով սահմանված կարգով, տույժերը՝ Օրենսգրքի 401-րդ հոդվածի 1-ին կետով սահմանված կարգով:

Գանձման նշանակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք նշանակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

Հիմք ընդունելով այն, որ կասեցման հիմք դարձած հանգամանքները վերացել են և իրավաբանական վարչությանը տրամադրվել է ֆիզիկական անձ Թաթուլ Տիգրանյանի վերաբերյալ համապատասխան տեղեկատվություն՝ ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49 հոդվածի 3-րդ մասի 2-րդ պարբերությամբ և ՀՀ հարկային օրենսգրքի 4-րդ հոդվածի 1-ին մասին 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 6-րդ մասով, և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 59, 88 հոդվածներով,

ՈՐՈՇԵՑԻ

1. Ֆիզիկական անձ Թաթուլ Տիգրանյանի նկատմամբ հարուցված վարչական վարույթը վերսկսել և Թաթուլ Տիգրանյանից գանձել 91,232 դրամ պարտավորության գումար համաձայն ստորև ներկայացված աղյուսյակի՝

06.04.2022թ. դրությամբ չկատարված հարկային պարտավորությունները գանձելու վերաբերյալ

Չափման միավորը՝ դրամ

Հ / Հ	Հարկի և այլ պարտադիր վճարի տեսակը	Հաշվարկված հարկ/վճար		Հաշվարկված տույժ	Հաշվարկված տուգանք	Ընդամենը	Վճարման ուղղություն	Հաշվի համարը
		առաջացման ամսաթիվ	գումար					
1	2	3	4	5	6	7= 4+5+6	8	9
1	Եկամտային հարկ	20.04.2021թ	80,000	11,232	-	91,232	պետական բյուջե	900008000490

2. Սույն որոշումն օրենքով սահմանված ժամկետում չենք ընդգրկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակը եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում <<Վարչարարության հիմունքների և վարչական վարույթի մասին>> ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱՔԱՆԱԿԱՆ
ՎԱՐՉՈՒԹՅԱՆ ՊԵՏ

Ստացա որոշման օրինակը

Ստորագրություն հարկ վճարողի /կամ ֆիզ. Անձի/ պաշտ անձի անուն ազգանուն

ամսաթիվ

Կատարող՝

Իրավաբանական վարչության հարկադիր գանձման և
պարտավորությունների կատարման ապահովման բաժին
Սեդա Ասատրյան
հեռ.՝ 010-309-191 (9165)